



Broj: 2-83/15

SARAJEVO, 15.09.2015. godine

PREDMET: Stipendiranje putem Kalendara 2016.-,

Uvaženi,

pozivamo Vas da, otkupom zidnog kalendara za 2016. godinu, učestvujete u stipendiranju djece žrtava rata, invalidne, talentovane, socijalno ugrožene djece i djece romske nacionalne manjine u školskoj 2015/2016. godini.

Vjerujemo kako Vam je poznato da Udruženje „Obrazovanje gradi Bosnu i Hercegovinu“ od 1994. godine kao nevladina, neprofitna i nestranačka organizacija ostvaruje misiju-**djeca žrtava rata-naša trajna briga**, te pruža moralnu i materijalnu podršku učenicima i studentima da, putem kvalitetnog i potpunog obrazovanja, postanu korisni članovi BH društva.

U dvadeset i jednoj godini rada Udruženje je stipendiralo više od **5.739** djece u ukupnoj vrijednosti više od **5.069.995 KM (2.539.347 EUR-a)**. Istovremeno, njih više od **3.807** bilo je na ljetovanju u Bosni i Hercegovini, Republici Hrvatskoj, Italiji, Austriji, Njemačkoj, Španiji, Francuskoj, Belgiji, Turskoj, Švicarskoj, Poljskoj, Danskoj, Slovačkoj, Švedskoj, Kanadi i Urugvaju. Toj populaciji podijelili smo školski pribor, sportsku opremu, odjeću, obuču te hranu u vrijednosti **4.630.000 KM (2.323.000 EUR)**. Udruženje "Obrazovanje gradi BiH" u cilju prikupljanja sredstava za stipendiranje djece i mladih već sedamnaestu godinu štampa zidni kalendar čijom prodajom obezbijedi 50-60 godišnjih stipendija. Za 2016. godinu izradili smo kalendar na temu: "Stari zanati u BiH": na šest stranica kalendara nalaze se dječiji crteži starih zanata sa kalendarijem i esej o Udruženju na bosanskom i engleskom jeziku. Cijena jednog kalendara iznosi 6,00 KM s PDV-om.

Uvaženi gospodine/gospođo, pozivamo vas da podržite projekat - Kalendar 2016. - "Stari zanati u BiH" tako što bi:

- a) otkupili određen broj kalendara;
- b) lobirali kod partnera da otkupe odgovarajući broj kalendara i na taj način učestvovali u stipendiranju djece i mladih u Bosni i Hercegovini.

Ako se odlučite da otkupite više od 100 kalendara s pojedinačnom cijenom od 6,30 KM (s PDV-om), tada ćemo na podložnom listu kalendara štampati podatke o Vašoj firmi (logo, adresa, telefon).

Uvaženi gospodine/gospođo, u očekivanju pozitivnog odgovora, unaprijed Vam se zahvaljujem u ime Udruženja "Obrazovanje gradi BiH" i osobno ime, te Vam upućujem želje za dalje uspjehe na profesionalnom planu, dobro zdravlje i ličnu sreću.

Istovremeno, zahvaljujemo što ste prethodnih godina otkupom kalendara i na drugi način učestvovali u stipendiranju djece i mladih i tako doprinijeli da oni putem redovnog školovanja steknu znanja i sposobnosti da budu korisni članovi BH društva.

S poštovanjem,

